

146

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T9297.1100 B



蜀租給軍糧食五月引兵出襲雍定雍地八月塞翟
降司馬相如傳元光五年夏唐蒙使路通夜郎
中發巴蜀吏卒千人郡又多為發轉漕萬餘人用軍
興法誅其渠率巴蜀民大驚上聞之乃使相如責蒙
等因諭告巴蜀民非上意檄曰云云檄到亟下縣道
咸諭陛下意毋忽

漢左丞相韓信諭燕檄

哈佛大學漢和
圖書館珍藏印

韓信傳高祖三年冬十月信既破趙斬成安君問計

於廣武君

李左

曰今足下虜魏王禽夏說不旬朝破

趙二十萬眾誅成安君名聞海內威震諸侯眾庶莫

不輟作怠惰靡衣媮食傾耳以待命者當今之計不
如按甲休兵百里之內牛酒日至北首燕路然後發
一乘之使奉咫尺之書以使燕燕必不敢不聽從燕
而東臨齊雖有智者不能為齊計矣是時燕王滅於
荼項羽所立於
是用廣武君策發使燕燕從風而靡

漢羽檄

高祖紀十年八月上曰陳豨反吾以羽檄召天下兵
未有至者注師古曰檄以木簡為書長尺二寸有急
加以鳥羽示速也魏武奏事云今邊有警輒露檄插
羽淮南王傳持羽檄從東方來息夫躬曰羽檄

重迹而押至董仲舒云羽檄不行中國

張儀檄楚尉陀移檄告橫浦陽山滄谿關見史記

漢大將軍穎陰侯諭齊王及諸侯

年傳高后八年八月朱虛侯章告其兄齊王欲令發

兵西齊王遣諸侯書曰諸呂擣烈以令天下宗廟以

危寡人帥兵入誅不當為王者漢聞之相國呂產等

遣大將軍灌嬰將兵擊之嬰至滎陽謀曰諸呂舉兵

關中欲危劉氏而自立今我破齊還報是益呂氏資

也乃留兵屯滎陽使人諭齊王及諸侯與連和以待

呂氏之變而共誅之

漢太中大夫諭南越

南粵王傳文帝元年三月告諸侯四夷從代來即位
意諭盛德上召陸賈為太中大夫使越賜佗書曰云
云使賈馳諭告王朕意佗遂去帝割黃屋左纁

漢中大夫諭南越

武紀建元六年八月閩越王郢攻南越遣王恢出豫
章韓安國出會稽擊之未至越人殺郢降兵還一嚴
助傳漢兵踰領會餘善殺王以降廼令中大夫助諭
意風指於南越曰天下安寧各繼世撫民禁毋敢相
并有司疑其以虎狼之心貪據百越之利或於逆順

不奉明詔則會稽豫章必有長患故遣兩將屯於境

上震威武揚聲鄉屯曾未會天誘其衷閩王隕命輒

遣使者罷屯毋後農時南越王遣太子嬰齊入侍閩越

王數舉兵侵陵百越并兼鄰國陰計奇策入番西南

夷傳建元六年大行王恢擊東粵東粵殺王郢以報

恢因兵威使番陽令唐蒙風曉南粵

漢中郎將諭夜郎 牂柯太守諭告夜郎

見兵捷

西南夷傳建元六年唐蒙自南粵還上書曰夜郎精

兵可得十萬浮舩牂柯出不意此制粵一奇也乃拜

王海卷百八十七
四
三百二十裴旆
蒙中郎將將千人從巴苻關入見夜郎侯多同諭以威德約爲置吏使其子爲令夜郎旁小邑聽約還報以爲犍爲郡

漢中郎將諭烏孫

張騫傳元狩四年天子數問大夏之屬騫曰烏孫王號昆莫稍強不肯復事匈奴厚賂烏孫是斷匈奴右臂其西大夏之屬皆可招來爲外臣拜騫中郎將致賜諭指曰烏孫能東居故地則漢遣公主爲夫人結爲昆弟共距匈奴不足破也

漢使諭滇王

西南夷傳莊躋楚威王時略巴黔中至滇池會秦擊楚道不通以其衆王滇元鼎六年春滅南粵夜郎入朝誅且蘭印君并殺苻侯冉駹震恐請臣置吏使王然于以粵破及誅南夷兵威風諭滇王入朝

漢使者告匈奴單于 詳見紀功類

武紀元封元年冬十月詔曰東越東甌咸伏其辜西蠻北夷頗未輯睦朕將巡邊垂擇兵振旅躬秉武節置十二部將軍親帥師焉行自雲陽北歷上郡西河五原出長城北登單于臺至朔方臨北河勒兵十八萬騎旌旗徑千餘里威震匈奴遣使者告單于曰南

越王頭已垂於漢北闕矣單于能戰天子自將待邊不能亟來臣服何但亡匿幕北寒苦之地為匈奴虜焉匈奴傳云使郭吉風告單于

漢使諭朝鮮

見兵捷

漢使諭宛西諸國

西域傳貳師既斬宛王更立昧蔡為宛王太初四年春後

歲餘天漢元年死貴人殺昧蔡立蟬封為王遣子入侍質

於漢漢因使使賂賜鎮撫之又發使十餘輩抵宛西

諸國求奇物因風諭以伐宛之威

檄

漢長羅侯常惠責龜茲

西域傳杆彌太子賴丹昭帝以為校尉田輪臺龜茲

殺之姑翼曰賴丹佩漢印綬宣帝時長羅侯常惠使

烏孫還便宜發諸國兵合五萬人攻龜茲責以前殺

校尉賴丹王謝曰迺我先王時為姑翼所誤執詣惠

斬之常惠傳本始二年惠使烏孫三年封長羅侯

復遣持金幣賜烏孫惠因請龜茲國嘗殺校尉賴丹

未伏誅請便道擊之與吏士五百人俱至烏孫還過

發西國兵二萬人令副使發龜茲東國二萬人烏孫

兵七千人從三面攻龜茲先遣人責其王以前殺漢

嘉靖丁巳年 監生趙祖易刊

使狀

漢使喻告莎車諸國

馮奉世見兵捷

漢後將軍告諸羌

趙充國傳神爵元年春初弭汗豪靡當兒使其弟雕庫來告金城西部都尉曰先零欲反後數日果反都尉留雕庫為管充國遣歸告種豪大兵誅有罪者明白自別毋取并滅天子告諸羌人犯法者能相捕斬除罪斬大豪有罪者一人賜錢四十萬中豪十五萬下豪二萬又以所捕妻子財物盡與之充國欲威信

檄

招降弭汗乃陳兵利害曰騎都尉安國前幸賜書擇羌人可使使弭汗諭告以大軍當至漢不誅弭汗以解其謀臣遣开豪雕庫宣天子至德弭汗之屬皆聞知明詔羌前後降者萬七百餘人及受言去者凡七十輩復奏曰校尉臨衆承威德奉厚幣拊循衆羌諭以明詔

漢長羅侯常惠責烏孫

蕭望之傳神爵二年遣惠使送公主配元貴靡未出塞翁歸靡死其兄子狂王背約自立惠從塞下上書願留少主敦煌郡惠至烏孫責以負約因立元貴靡

漢渤海太守移屬縣

龔遂傳宣帝時渤海歲飢盜起以遂為太守乘傳至界移書勅屬縣悉罷逐捕盜賊吏諸持鉏鉤田器者皆為良民吏毋得問持兵者乃為盜郡中盜皆罷

漢車騎將軍論呼韓邪單于

匈奴傳竟寧元年單于復入朝上書請罷邊備塞吏卒郎中侯應以為不可許天子使車騎將軍許口論單于曰中國四方皆有關梁障塞非獨以備塞外也亦以防中國姦邪敬諭單于之意

漢益州敕史諭告廣漢羣盜

孫寶傳鴻嘉中廣漢羣盜起三年十一月寶到部親入

山谷諭告羣盜非本造意渠率皆得悔過自出遣歸田里

漢中郎將責匈奴

匈奴傳建平二年烏孫庶子卑援寔翁侯人眾入匈奴西界寇盜單于聞之遣左大當戶烏夷泠將五千騎擊烏孫殺數百人略千餘人卑援寔恐遣子趨遠為質匈奴單于受以狀聞漢遣中郎將丁野林副校尉公乘音使匈奴責單于告令還質子單于受詔

漢大司馬移邊郡擊邯鄲檄

光武紀更始至洛陽遣光武以破虜將軍行大司馬
 事十月持節北渡河故趙繆王子林說光武光武不
 荅林於是立王郎為天子都邯鄲降下郡國二年正
 月光武以王郎新盛乃北徇薊二月信都太守任光
 開門出迎世祖因發旁縣得四千人和戎卒正邳彤
 亦舉郡降劉植耿純據縣邑以奉光武於是北降下
 曲陽樂附者至有數萬人復北擊中山拔盧奴所過
 發奔命兵移檄邊郡共擊邯鄲郡縣還復響應更始
 二月任光傳光多作檄文曰大司馬劉公將城頭子
 路力子都兵百萬眾從東方來擊諸反虜吏民得檄傳

檄

二

寇恂傳光武北征燕代朱鮪聞光武北而河內孤度
鞏河攻温檄書至恂即勒軍馳出並移告屬縣發兵
會於温下恂曰温郡之藩蔽失温則郡不可守更始二年

漢大將軍發幽州十郡兵檄

耿弇傳更始立光武為蕭王令罷兵二年夏四月遣苗

曾為幽州牧韋順上谷守蔡充漁陽守北之部時光

武居邯鄲宮弇說曰公首事南陽破百萬之衆今定

河北據天府之地以義征伐發號響應天下可傳檄

而定秋乃拜弇為大將軍與吳漢北發幽州十郡兵

奔到上谷斬順充漢亦誅苗曾悉發幽州兵引而南

漢琅邪太守王閔喻吏人檄

張步傳更始遣閔為琅邪太守步拒之不得進閔為檄曉喻吏人降得贛榆等六縣

漢孟津將軍移檄

馮異傳更始遣李軼朱鮪等共守洛陽光武將北徇燕趙以魏郡河內城邑全乃拜寇恂河內太守異孟津將軍統二郡軍河上拒鮪等異遣李軼書云云度河擊鮪鮪走異追至洛陽環城一帀而歸移檄上狀諸將入賀并勸光武即帝位

漢偏將軍移檄郡國

丁綝傳莽末守潁陽尉世祖略地潁陽綝說其宰降世祖以為偏將軍從征伐綝將兵先度河移檄郡國攻營略地下河南陳留潁川二十一縣

漢河西五郡大將軍告武威張掖太守

竇融傳為張掖屬國都尉懷輯羌虜甚得其歡心是時酒泉太守梁統金城太守庫鈞張掖都尉史苞酒泉都尉竺曾燉煌都尉辛彤並州郡英俊融皆與厚善及更始敗融與統等議曰今天下擾亂未知所歸河西斗絕在羌胡中不同心勦力不能自守權鈞力齊復無以相率乃推融行河西五郡大將軍事武威

太守馬期張掖太守任仲並孤立無黨乃共移書告
喻之二人即解印綬去通監建武元年十一月

漢大中大夫伏隆告郡國檄

伏隆傳建武二年詣懷宮時張步兄弟各擁強兵據
有齊地十一月拜隆為太中大夫持節青徐二州招
降郡國隆移檄告曰陛下神武奮發以少制衆故尋
邑以百萬之衆潰散於昆陽王郎以全趙之師土崩
於邯鄲大彤高胡望旗消靡鐵脛五校莫不摧破梁
王劉永造為詐運今虎牙大將軍屯營十萬拔睢陽
劉永奔竄此諸郡所聞也不先自圖後悔何及青徐

羣盜得此惶怖獲索賊右師郎等六校即時皆降張
步遣使詣闕上書獻鰓魚光武紀建武二年冬十
一月使太中大夫伏隆招張步降之

漢前將軍高陽侯勞慰幽冀

耿純傳真定王劉楊造讖記與綿曼賊通建武二年
春遣騎都尉陳副游擊將軍鄧隆召楊楊閉城門不
內乃復遣純持節行赦令於幽冀所過並使勞慰王
侯至真定誅楊

漢大司馬廣平侯移平原郡檄

吳漢傳兼紀建武四年四月己巳上幸臨平遣漢等擊

破五校於臨平注屬平原五姓共逐守長據城而反諸將爭欲攻之漢曰使鬲反者守長罪也敢輕冒進兵者斬乃移檄告郡使收守長而使人謝城中五姓大喜相率降

漢征南大將軍移檄 喻告蠻夷

光武紀建武五年三月遣征南大將軍岑彭率二將軍伐田戎於津鄉大破之十二月交阯牧鄧遜率七郡太守遣使奉貢 岑彭傳引兵還屯津鄉當荊州要會喻告諸蠻夷降者奏封其君長初彭與交阯牧鄧遜厚善與遜書陳國家威德又遣備將軍屈充移

檄江南班行詔命於是遜與江夏太守侯登武陵守王堂長沙相韓福桂陽守張隆零陵守田翕蒼梧守杜穆交阯守錫光等相率遣使貢獻悉封為列侯或遣子將兵助彭征伐於是江南之珍始通 傳俊傳與岑彭破秦豐因將兵徇江東揚州悉定

漢河西大將軍涼州牧諭隗囂

竇融傳建武六年與隗囂書曰西州地勢局迫民兵離散易以輔人難以自建計若失路不反聞道猶迷不南合子陽則北入文伯耳夫負虛交而易強禦恃遠救而輕近敵未見其利也

漢中郎將喻翬

來歙傳為太中大夫建武三年歙始使隗囂五年奉璽書還復往說之遂遣子入質拜歙中郎將六年三月山東略定帝欲西收囂兵俱伐蜀復使歙喻旨王遵傳為太中大夫建武八年以書喻牛邯曰遵與隗王軟血為漢冀聖漢復存當挈河隴歸本朝而王之將吏人人抵掌欲為不善之計今吳景驍將雲集四境而以奔離之卒拒要院當軍衝其形勢何如哉智者觀危思變賢者泥而不滓故夷吾束縛而相齊黥布杖劍而歸漢

漢伏波司馬告武陵蠻夷

宋均傳為謁者會武陵蠻反圍武威將軍劉尚建武二十四年使均乘傳發江夏奔命三千人救之會伏波將軍援至今均監軍矯制調司馬呂种守沅陵長命种奉詔書入虜營告以恩信因勒兵隨其後蠻夷震怖共斬其帥降

漢戊己校尉耿恭移檄烏孫

耿恭傳永平十七年冬置西域都護戊己校尉乃以恭為戊己校尉屯車師後王部金蒲城謁者閔寵為戊己校尉屯前王柳中城恭至部移檄烏孫示漢

正德二年... 威德大昆彌以下皆歡喜遣使獻名馬及奉宣帝時所賜公主博具願遣子入侍時南匈奴已附北單于

平十七年十月恭 漢中郎將阮种移度遼將軍檄

梁懂傳永初三年冬南單于與烏亘大人俱反詔懂行度遼將軍事中郎將龐雄遼東太守耿夔共擊匈奴奧鞬日逐王破之單于乃自將圍中郎將阮种於美稷連戰數月攻轉急种移檄求救明年正月懂將八千餘人馳往赴之

漢司隸校尉冀并二州刺史檄

安帝紀永初元年十一月戊子敕司隸校尉冀并二州刺史民訛言相驚弃捐舊居其各敕所部躬親曉諭若欲歸本郡在所為封長檄不欲勿強注長檄猶今長牒也欲歸者給以為驗

漢尚書令告江東諸將校部曲檄

尚書令或

漢益州刺史告三郡

邛都夷傳元初五年卷夷大牛種封離等畔明年昌郡益州及蜀郡夷應之眾十餘萬破二十餘縣詔刺史張喬討之喬遣從事楊竦將兵至牂榆先以詔書

告示三郡密求武士重其募賞乃進軍戰大破之斬
三萬餘級

漢遼東太守喻鮮卑 曉慰北匈奴

馮緄傳順帝時鮮卑寇邊以緄為遼東太守曉喻降
集虜皆弭散 陳禪傳永寧二年北匈奴入遼東拜
禪遼東太守胡憚其威強退還數百里禪不加兵使
吏卒往曉慰之

漢使責南單于

南匈奴傳永和元年夏南匈奴左部吾斯車紐等背
畔率三千餘騎寇西河誘右賢王合七八千騎圍美

稷度遼將軍馬續與中郎將梁並烏丸校尉王元發
緣邊及烏丸鮮卑羌胡合二萬餘擊破之天子遣使
責單于開以恩義令相招降單于詣並謝罪

漢中郎將持節監關西兵移營郡

皇甫規傳延熹四年冬王公舉規為中郎將討零吾
等破之先零諸種羌降者十餘萬明年東羌降涼州
復通規上疏曰四年之秋戎醜蠢戾爰自西州侵及
涇陽幸蒙威靈羌戎諸種大小稽首輒移書營郡以
訪誅納所省工費一億以上

漢交阯刺史移交阯

賈琮傳中平元年交趾屯兵反執刺史及合浦太守
三府舉琮為刺史琮到部訊其狀咸言賦歛重民不
聊生故聚為盜琮移書告使安業招撫荒散蠲復徭
役誅渠帥為大害者選良吏試諸縣百姓以安

漢幽州牧告烏豆

劉虞傳中平四年烏豆峭王等步騎五萬入青冀二
州攻破清河平原明年虞到薊罷省屯兵務廣恩信
遣使告峭王等以朝恩寬弘開許善路

漢荊州刺史傳檄八郡

劉表傳初平元年為刺史時江南宗賊盛袁術阻兵

屯魯陽蒯越曰威德既行兵集眾附南據江陵北守
襄陽荊州八郡可傳檄而定長沙零陵桂陽南陽
江陵武陵南郡章陵
使越遣人誘宗賊帥斬之襲取其眾江夏賊降江南
悉平

漢長沙太守討董卓

通鑑初平元年三月長沙太守孫堅率豫州諸郡兵
討董卓袁術表堅領豫州刺史

漢兖州刺史移天下討董卓

臧洪傳靈帝末通鑑初平元年正月廣陵太守張超與洪至陳

留見兄邈計事大異之致之於劉兖州公山代山孔豫

州公緒伯乃設壇場盟誓共升壇操槃歃血而盟曰
 漢室不幸皇綱失統賊臣董卓乘釁縱害禍加至尊
 虐流百姓大懼淪喪社稷翦覆四海兖州刺史岱豫
 州刺史伯陳留太守邈東郡太守瑁廣陵太守超等
 糾合義兵並赴國難凡我同盟齊心戮力以致臣節
 墮首喪元必無二志有渝此盟俾墜其命無克遺育
先是東郡太守橋瑁詐作三公移書州郡陳卓罪惡召兵赴難

漢城門校尉河南尹移州郡討董卓檄

朱雋傳卓入關留雋守維陽雋與山東諸將通謀為
 內應既而懼為卓所襲奔荊州復引兵還雋乃東屯

中牟移書州郡請師討卓初平二年

漢太僕移公孫瓚

趙岐傳獻帝西都岐為太僕帝使太傅馬日磾撫慰
 天下以岐為副是時袁紹曹操與公孫瓚爭冀州紹
 操聞岐至皆自將兵數百里奉迎岐深陳天子恩德
 宜罷兵安人之道又移書公孫瓚為言利害一本云

年天子使太傅馬日磾太僕趙岐和并

漢侍中守司隸校尉持節督關中諸軍移

馬騰韓遂

魏鍾繇傳關中諸將馬騰韓遂各擁強兵相與爭繇

至長安移書為陳禍福

漢冀州牧檄州郡

袁紹傳建安五年進軍攻許先宣檄曰云云

漢北海相馳檄州郡

孔融傳時黃巾寇數州北海最為賊衝董卓諷三府同舉融為北海相融到郡收合士民起兵講武馳檄飛翰引謀州郡

漢丞相露布天下

蜀志建興五年春丞相亮出屯漢中三月詔曰漢祚中微網漏凶慝曹操竊執天衡子丕盜據神器欲奮

勅長驅指討凶逆朱旗未舉而不復殞喪所謂不然我薪而自焚也諸葛丞相弘毅忠壯忘身憂國授以旄鉞統步騎二十萬衆董督元戎冀行天罰克復舊都在此行也棄邪從正者國有常典昔輔果絕親於知氏而蒙全宗之福微子去殷項伯歸漢皆受茅土之慶此前世明驗也若迷沉不反將助亂人不武王命國有作赦丞相其露布天下

漢呂凱檄雍閬

蜀志雍閬降吳永昌郡五官掾功曹呂凱與府丞王伉帥屬吏民閉境拒閬閬數移檄稱說凱答檄曰雍

後造怨而封實融歸志世祖皆流名後葉云云楚國
不恭齊威是責夫差借號晉人不長况臣於非主誰
肯歸之

魏涼州刺史西鄉侯張既告諭諸羌檄

張既傳黃初中西平麴光等殺其郡守諸將欲擊之
既曰今先使羌胡鈔擊重其賞募所虜獲皆異之外
沮其勢內離其交必不戰而定乃檄告諸羌為光等
所誣誤者原之能斬賊帥送首者當加封賞於是光
部黨斬送光首餘安堵如故通鑑載於
黃初二年

魏太尉檄告公孫淵

魏志景初二年正月太尉司馬懿伐遼東六月軍至
遼東八月使其相王建柳輔請却兵懿命斬之檄告
淵云云

魏帶方太守告諭倭王檄

正始六年詔賜倭難升米黃幢付郡假授八年

太守王頌到官倭女王卑彌呼與狗奴國男王卑彌
弓呼素不和遣倭載斯烏越等詣郡說相攻擊狀遣
塞曹掾史張政等因齎詔書黃幢拜假難升米為檄
告諭之卑彌呼死立宗女壹與政等以檄告諭壹與

因詣臺獻白珠異文雜錦倭人在帶方東南大海中
依山島為國邑漢時有朝

嘉靖丁巳年
監生趙祖易刊

見者景初二年朝獻

魏鎮西將軍檄蜀

魏志明帝太和二年正月丁未露布天下并班告益州曰亮自以為能行兵於井底游步於牛蹄懷李熊愚勇之智不思荆邯度德之戒元帝景元四年五月詔征西鄧艾鎮西鍾會伐蜀十一月蜀平鍾會傳景元三年冬以會為鎮西將軍假節都督關中諸軍事四年秋詔鄧艾諸葛緒各統諸軍會移檄蜀將吏士民曰其詳擇利害自求多福投迹微子之蹤措身陳平之軌各具宣布咸使聞知

檄

魏鎮西軍司宣告諸軍檄

晉衛瓘傳蜀既平鍾會奏鄧艾專擅瓘夜至成都檄艾所統諸將稱詔收艾云云俄而會發兵反瓘作檄宣告諸軍攻會敗之咸熙元年

晉雍州刺史劉沉馳檄七郡

劉沉傳兼紀太安二年十一月張方逼京師王師屢敗

河間王顯遣張方將兵七萬出函谷入洛陽詔沉發兵襲顯沉奉詔馳檄

四境合七郡之眾及守防諸軍塢壁甲士萬餘人襲長安永興元年顯聞沈起兵召張方還

晉都督揚州九郡諸軍事傳檄州郡

萬曆丁亥年

二年六月十八日

三

監生歐陽宗刊

通監太安二年十二月議郎周玘前南平內史王矩起兵江東以討石冰推前吳興太守顧祕都督揚州傳檄州郡殺冰所置將吏於是賀循華譚葛洪甘卓皆起兵應之石冰寇揚州諸郡盡沒逐會稽相張景

晉鎮東大將軍移檄天下征鎮州郡縣國

齊王景傳元康中趙王倫密與相結倫篡遂與豫州

刺史何勉龍驤將軍董艾等起軍遣使告成都河間

常山新野四王移檄天下揚州刺史郗隆承檄猶豫

未決參軍王邃斬之永寧元年三月

晉左衛將軍馳檄四方

傳成都王穎有無君之心永興初元年左衛將軍陳珍殿中中郎逮苞成輔及長沙故將上官巳等奉大駕討穎馳檄四方赴者雲集

晉司空移檄天下 晉鎮東大將軍檄四

方討石勒 晉丞相大都督中外諸軍事

移檄 晉王傳天下檄

元帝紀懷帝蒙塵永嘉五年六月司空荀藩等移檄

天下荀繼為司隸校尉與藩移檄天下推帝為盟主愍帝即位進丞

相大都督中外諸軍事建興四年十二月西都不守

帝出師露次移檄四方召天下之兵尅日進討建武

元年三月辛卯。即晉王位。改元。六月己巳。帝傳檄天下曰。逆賊石勒肆虐河朔。石虎敢帥犬羊。渡河縱毒。今遣車騎將軍琅邪王裒等九軍。銳卒三萬。水陸四道。徑造賊場。受祖逖節度。

懷帝紀永嘉六年二月

癸丑。鎮東大將軍琅邪王睿上尚書檄四方討石勒。

虞潭傳領南康太守。被元帝檄使討江州刺史華

軼。時荀藩移檄以琅邪王為盟主。軼不從命。故討之。

晉安豐太守檄周馥

傅淮南太守裴頌為周馥所敗。退保東城。求救于元

帝。琅邪帝遣揚威將軍甘卓建威將軍郭逸攻馥于

壽春安豐太守孫惠帥眾應之。使謝摛為檄。永嘉五年

都督揚州永嘉四年。上書迎天子遷都壽春。頌奉東海王越密旨圖馥。遂襲之。

晉平北將軍移州郡檄

通監永嘉六年七月。劉琨移檄州郡。期以十月會平

陽擊漢。

晉征東大將軍都督青州諸軍事青州刺

史檄六州

荀晞傳移告諸州。陳東海王越罪狀。時懷帝惡越專

權。乃詔晞曰。王彌石勒為社稷憂。故復遣詔檄六州

協同大舉。剪除國難。晞復檄諸征鎮州郡

萬曆丁亥年
監生汪可臣刊

晉大將軍都督并州諸軍事移檄州郡

通監建興二年二月石勒送質子劉琨請討王浚以

自効琨大喜移檄州郡稱已與猗盧方議討勒勒走

伏無地求拔幽都以贖罪今便當遣六脩南襲平陽

除僭偽之逆類降知死之逋錫考異琨集檄首云三月庚午朔五日甲戌

晉鎮西將軍都督隴右諸軍事馳檄關中

張軌傳聞秦王愍入關乃馳檄關中遣步騎翼衛乘

輿

晉都督并冀幽三州諸軍事檄告華夷

通監建武元年三月劉琨段匹磾同盟期以翼戴晉

檄

室辛丑琨檄告華夷琨遣兼左長史右司馬溫嶠匹

磾遣左長史榮邵奉表及盟文詣建康勸進劉琨

傳元帝稱制江左琨令長史溫嶠勸進於是河朔征

鎮夷夏一百八十人連名上表建武元年琨與匹磾

期討石勒匹磾推琨為大都督沛血載書檄諸方守

俱奪襄國琨匹磾進屯固安以俟衆軍溫嶠傳琨

遷司空以為右司馬元帝初鎮江左以為左長史檄

告華夷奉表勸進

晉湘州刺史馳檄遠近

忠義傳易雄為壽陵今湘州譙王承匡王敷謀起兵

以是朝廷英雄承符馳檄遠近列敷罪惡朕福起年長
虞惟對承曰宜收衆固守傳檄四方其勢必分
然後圖之事可捷也樂道融說梁州刺史甘卓
武昌卓乃與巴東監軍柳純等露檄率所統致討

晉郗鑒檄青州

藝文類聚庾闡為郗鑒檄青州文云云
鑒為龍驤

將軍兖州刺史鎮鄒山三年間衆至數萬加輔國將軍
軍都督兖州諸軍事

晉廣州刺史平越中郎蔣詡論溫邵

陶侃傳杜弘據臨賀與溫邵及劉沈俱謀反侃直上

廣州擊弘破之執劉沈於小桂討王機斬之諸將請
乘勝擊溫邵侃曰吾威名已著一函紙自足耳於是
下書諭之邵懼而走追獲於始興

晉江州刺史持節都督平南將軍告四方

征鎮檄

溫嶠傳咸和初鎮武昌未幾蘇峻反嶠屯尋陽遣督
護王愆期西陽太守鄧嶽鄱陽內史紀瞻等率舟師
赴難及京師傾覆嶠奉陶侃為盟主於是列上尚書

陳峻罪狀有衆七千灑泣登舟移告四方征鎮曰咸

三年賊臣祖約蘇峻同惡相濟宜增軍討撲今躬率

所統為士卒先西陽太守鄧嶽尋陽太守褚誕等連
旗相繼宣城內史亘彞屯濱江之要江夏相周撫軍
已向路昔包胥重趼致誠藺相如案劍秦庭滅洪登
壇軟血况今居台鼎據方州者哉有能斬約峻者封
五等侯賞布萬匹嶠與侃書曰近已移檄遠近言於盟府荆後月半大舉南康建安晉安三郡軍同赴此會侃
安三郡軍同赴此會侃
設壇場大誓三軍曰約峻不恭天命不畏王誅凶戾
肆逆干國之紀侮弄神器拔本塞原昔戎狄泯周齊
威糾盟董卓陵漢羣后致討義存君親古今一也若
寇不梟義無偷安 顧衆傳峻反潛圖義舉吳國

內史蔡謨檄為本國督護賊率張健等據吳城會稽
內史王舒吳興內史虞潭並檄衆為五郡大都護統
諸義軍

晉撫軍將軍會稽內史假節都督行揚州
刺史事移告屬郡

王舒傳蘇峻作逆吳國內史庾冰奔舒舒移告
屬郡以吳王師虞駿為軍司御史中丞謝藻行龍驤
將軍監前鋒征討軍事率衆一萬與冰俱渡浙江前
義興太守顧衆護軍參軍顧颺等皆起義軍應舒

晉荊州刺史都亭侯庾翼檄石虎

藝文類聚檄文曰石勒翦覆舊京窮凶極逆百姓受灰沒之酷王室有黍離之哀石虎負恃其衆陸梁河朔今遣使持節荊州刺史都亭侯翼高旗連雲組練映日運孫吳之籌按尚父之略莫不張膽咀鐵人思自百以此衆戰猶烈火之燔秋蓬衝颺之掃落葉也

晉彭城內史劉裕移檄都下

南史元興三年二月己卯裕與何無忌等集義徒凡二十七人推裕為盟主軍次竹里移檄都下曰逆臣巨元阻兵荆郢肆暴都邑雖夏后之離泥殪有漢之遭莽卓未足為喻云云裕等乘機奮發義不圖全輔

國將軍劉毅廣武將軍何無忌鎮北主簿孟昶兗州主簿魏詠之寧遠將軍劉道規龍驤將軍劉藩振威將軍檀憑之等忠烈斷金精貫白日義衆既集文武爭先公侯諸君或世立忠正或身荷爵寵顧瞻周道寧不弔乎上憑祖宗之靈下罄義夫之節翦馘逋逆蕩清京華益州刺史毛璩掃定荆楚江州刺史郭昶之奉迎主上官于尋陽鎮北將軍王元德等保據石頭揚武將軍諸葛長人已據歷陽征虜將軍庾曠之等結為內應同力協契所在蠶起即日斬徐州刺史脩青州刺史弘益州刺史毛璩執元使不受其命傳檄遠近列元罪狀

晉太尉檄蜀

袁豹為宋高祖太尉長史高祖遣益州刺史朱齡石伐蜀豹為檄文曰失仁與義難與求安憑阻負豐鮮克有成故成都世祀華陽無與國蕞爾譙縱同惡相求反噬州相毒害民黎俾我西服隔閭皇澤今北狄露晞南寇埃掃朝風載躋庶績其凝清江原於濫觴澄氛稜於井絡誅叛柔遠今也其時組甲貝冑景煥波燭今三峽之隘在我境內非有岑彭荆門之險深入其阻平衢四達實無鄧艾綿竹之艱山川之形抑非曩日攻守難易居然百倍當全蜀之

檄

強士民之富子陽不能自安於庸襲劉禪不敢竄命於南中荆邯折謀伯約挫銳故知成敗可數非可智延此皆益上前事當今元龜也威如盧循強如容超凌威南海跨制北岱樓船萬艘掩江蓋汜鐵馬千羣充原塞隰然廣固之政陸無全雉右里之戰水靡全舟或顯戮京畿或傳首萬里故知逆順有勢難以力抗斯又目前殷鑒深切著明者也豈不遡誠南凱延首東雲普天有來蘇之幸而一方懷後予之怨王者之師以仁為本捨逆取順爰自三驅齊斧所加縱身而已其有衿甲反接自投軍門者一無所問如其迷

復姦邪守愚不改火燎孟諸芝艾同爛河決金隄淵
丘同體雖欲悔之亦將何及紀在義熙八年十一月

宋後將軍長沙王告司兗二州

宋書索虜傳元嘉七年三月詔曰河南湮沒可簡甲
卒五萬給右將軍到彦之統安北將軍王仲德兗州
刺史竺靈秀舟師入河驍騎將軍段宏精騎八千直
指虎牢豫州刺史劉德武勁勇一萬以相犄角後將
軍長沙王義欣權假節率三萬監征討諸軍事先遣
殿中將軍田竒告燾河南舊是宋土今當脩復義欣
出鎮彭城摠統羣帥告司兗二州曰云云高祖內夷

傲

篡逆外平寇亂響軼龍堆聲浮雲朔陵天振地拔山
蕩海於是華域肅清流澤洋溢中葉委政冢宰黠虜
乘覺司兗良民重隔王化提吳楚之勁卒摠八州之
銳士紅旗絳天素甲奪日虎步中原龍超河渚天順
從貴速歸德惡晚賞褻先附威加後服若能審決安
危歸投軍門者當表言天臺隨才叙用如其迷心不
悛竄首巢穴長圍既周臨衝四至雖欲壺漿厥篚其
可得乎幸加三思詳擇利害

梁移魏 北伐檄

南史普通七年大舉北侵救裴子野為移魏文又為

嘉靖丁巳年 監生 潘 潤 刊

書喻魏相元義 類聚載喻虜檄曰昔由余入秦禮
以卿佐日磾降漢華貂七葉 周興嗣為北伐檄

梁湘東王移檄遠近討侯景

梁書太清四年四月丙午湘東王繹下令大舉討侯

景移檄遠近

魏侍中驃騎大將軍關西行臺傅檄方鎮

宇文泰 魏帝方圖高歡泰傳檄方鎮曰詔書稱歡

逆亂分命將帥襲其窟穴電繞蛇擊霧合星羅躬自

東轅電赴伊洛輾裂賊臣以謝天下

東魏西兗州刺史檄東方諸州

檄

武定五年正月辛亥侯景據河南叛歸于魏

遣軍士二百人暮入西兗州欲襲取之刺史邢子才

覺之掩捕盡獲之因散檄東方諸州各為之備

東魏軍司杜弼檄梁

梁太清元年東魏武定五年十二月甲子朔東魏使杜

弼作檄移梁朝曰吳侵齊境遂為句踐之師趙納韓

地終有長平之役侯景周章向背夫豈徒然拒此則

氣不足攻彼則勢有餘呼之則反速而豐小不召則

叛遲而禍大會應遙望廷尉不肯為臣自據淮南亦

欲稱帝但恐楚國亡後禍延林木城門失火殃及池

萬曆丁亥年

益生王印民刊

魚外傾中潰今實其時。鷓蚌相持我乘其敝。

後周大司馬檄吐渾

周書武成初吐谷渾侵涼州詔大司馬賀蘭祥與宇文貴討之祥遣其軍司檄吐渾曰

文貴討之祥遣其軍司檄吐渾曰云云

隋大將軍府傳諸郡檄

唐高祖紀大業十三年即義寧元年六月己卯傳檄諸郡

稱義兵開大將軍府癸巳張道源傳授大將軍府

戶曹參軍京師平十一月遣撫慰山東燕趙諭羅藝

降武德二年十月己亥魏證傳自請安輯山東

擢秘書丞馳駟至黎陽武德元年十一月通監義寧元年

聖海卷第一百八十六

凌儀王應麟伯厚甫

兵捷

檄書

唐移檄張士貴

張士貴傳隋大業末起為盜攻剽城邑高祖移檄招之即降

唐山南招尉大使徇巴蜀檄

通監義寧元年十二月癸未唐王淵使左光祿大夫

李孝恭招慰山南紀云趙郡公自金川出巴蜀檄書

所至降附者三十餘州甲辰遣使者詹俊李哀壽徇巴蜀下之河間王孝恭傳高祖已定京師詔壽山南招尉大使徇巴蜀下三十餘州進擊朱粲破之壽是騰檄所至輒下韋仁壽傳高祖入關遣使者徇定蜀

唐使者徇荆襄

高祖紀義寧元年二月己卯太常卿鄭元璠定樊登

唐大將軍河南道招慰使招諭關東州縣

檄

夏侯端傳李密之降關東地未有所屬端請假節招

諭乃拜大將軍以河南道招慰使傳檄州縣東薄海

南接淮二十餘州遣使順附通監武德二年四月

甲辰秘書監夏侯端安撫淮左十月端至黎陽李世

勳發兵送之自澶淵濟河傳檄州縣密以元年十月

為鄭善果持節

唐參旗將軍諭突厥

鄭元璠傳武德二年劉武周將宋金剛與突厥夏羅可汗犄角寇汾晉詔元璠諭罷可汗兵不聽

唐金州總管府司馬撫樊登

李亮傳王弘烈據襄陽詔大亮安撫樊鄩因圖之
進擊下十餘城蘇世長與弘烈及豆盧行儉

唐晉州道行軍總管檄郡縣

裴寂傳武德二年留撫河東飛檄郡縣促入營壘相保

唐陝東行臺討王世充檄

薛收傳為記室判陝東行臺金部郎中時方討世充收為書檄露布或馬上亡辭

唐荊州刺史招慰南方 嶺南撫慰大使

檄馮盎

李靖傳蕭銑降江漢列城爭下以功檢校荊州刺史

乃度嶺至桂州分道招慰酋領馮盎等皆以子弟來

謁南方悉定得郡凡九十六戶六十餘萬 通監武

德四年十一月靖遣使分道招撫諸州所至皆下一本

云四年十一月遣安撫大使李靖狗嶺南諸州皆下之明年以靖為嶺南撫慰

大使桂州總管七月丁酉隋漢陽太守馮盎承李靖

檄帥所部來降嶺南悉平 李襲志傳武德初以書

諭之偽桂州總管約嶺南酋李光度歸國及銑平嶺南六

十餘州皆送款襲志誘而致云 河間王孝恭傳破

銑遷荊州大總管又遷襄州道行臺左僕射嶺表未

平分遣使綏輯安慰其款附者四十九州朝廷號令暢南海矣岑文本說孝恭曰若縱兵剽掠恐江領以南狼顧麕驚不如厚撫荆州勸未附陳天子厚惠誰非王人孝恭下令止侵略林士弘傳趙郡王孝恭招慰降循潮二州漢陽郡王環傳代孝恭為荆州都督嶺外酋豪數相攻遣使諭威德皆如約不敢亂

唐散騎侍郎諭高麗

傳武德初建武再遣使入朝高祖下書修好後三年七年拜上柱國遼東郡王明年新羅百濟上書言建武閉道使不得朝且數侵入有詔散騎侍郎朱子奢持節諭和建武謝罪乃請與二國平朱子奢傳正

麗百濟同伐新羅連年兵不解新羅告急帝持節諭旨平三國之憾

唐襄州道行臺擊輔公柘檄

岑文本傳孝恭平荆州以為別駕從擊輔公柘與檄符

唐散騎常侍諭馮盎

傳馮盎武德五年降授上柱國高州總管越國公正觀初或告盎叛盎舉兵拒境太宗發江淮甲卒將討之魏謩曰當懷之以德乃遣散騎常侍韋叔諧喻盎盎遣子智戴入侍五年盎入朝通監正觀元年十

月乙酉遣員外散騎侍郎李公掩持節慰諭益蓋遣
子入朝

唐南會州都督諭党項

党項傳漢西羌別種正觀三年都督鄭元璿鑄諭其
酋細封步賴舉部降

唐中郎將諭吐谷渾

吐谷渾傳正觀八年伏允遣使入朝未還即寇鄯州
太宗遣使者責且召伏允以疾為解為子求昏帝召
子親迎亦稱疾有詔止昏遣中郎將康虔真臨諭

唐左衛郎將諭龜茲

阿史那社尒傳禽龜茲王遣左衛郎將權祗甫詢諸
酋長示禍福降者七十餘城宜諭威信

西域傳遣

使者諭降小城七百餘

唐諫議大夫諭河北

魏證傳為諫議大夫河北州縣素事隱巢者不自安
思亂證曰不示至公禍不可解太宗曰爾行安諭河
北道遇李志安李思行傳送京師即貸而後聞

唐瀚海都護諭闕泥熟別部

傳正觀中突厥鐵勒部內附即其地為瀚海都護府
詔李素立領之於是闕泥熟別部數梗邊素立以為

不足用兵遣使諭降夷人感其惠

唐岷州都督諭党項

傳膠東郡王道彥正觀中拜岷州都督間遣入党項
諭國威靈 聖曆初靈勝二州党項誘北胡寇邊詔
監察御史陸餘慶招慰喻以恩信

唐岐州都督諭吐谷渾

傳太宗以劉師立檢校岐州都督上書請討吐谷渾
未報即遣使開諭部落多降附列其地為開橋二州
党項酋拓拔赤辭先附吐谷渾亦遣說下之詔赤辭
為西戎州都督党項傳云岷州都督劉師立諭之降

檄

唐右衛率府長史召吐蕃隣國兵檄

王元策

見兵捷破天竺段

正觀二十二年五月

唐使者諭思結部

張儉傳為朔州刺史李靖既平突厥有思結部窮歸
于儉儉受而安輯之儉徙勝州後將奏思結叛朝廷
議進討以儉為使者撫納之儉單騎入其部召酋帥
慰諭咸歸命因舉徙代州

唐遼東道行臺大摠管檄高麗

紀乾封元年十二月己酉李勣為大摠管率六摠管
兵以伐高麗 元萬頃傳從李勣征高麗管書記使

萬頃草檄責高麗

唐監察御史喻邕巖二州

李嶠傳高宗擊邕巖二州叛獠詔監其軍嶠入洞喻降之

唐安撫大使喻鐵勒九姓

契苾何力傳龍朔初鐵勒九姓叛詔何力為安撫大使以輕騎五百馳入其部喻曰朝家知而誑誤使我貫爾過得自新罪在凶渠取之則已九姓大喜共擒偽葉護及特勒等二百人以歸何力數其罪誅之餘眾遂安

檄

唐監察御史諭吐蕃

婁師德傳上元初吐蕃盜邊劉審禮戰没三年師德九月

奉使洮河因使吐蕃其首領論贊婆等自赤嶺操牛酒迎勞師德喻國威信開陳利害虜畏悅

唐廣州都督檄安南

馮元常傳安南酋領李嗣仙殺都護劉延祐劫州縣詔元常討之率士卒航海馳檄先示禍福賊黨多降

垂拱三年八月

廣桂州都督招尉討擊使諭始安賊

裴懷古傳始安賊歐陽倩眾數萬剽没州縣以懷古

為招尉討擊使未踰嶺逆以書諭禍福賊迎降自陳
為吏侵而反懷古自至壁撫諭嶺外平。武后時

唐嶺南採訪使諭崖振五州

宋慶禮傳崖振五州首領相掠民苦於兵慶禮身到
其境諭首領大誼皆釋仇相親

唐監察御史張孝嵩傳檄諸國 勒石紀

功

通監開元三年監察御史張孝嵩陳磧西利害請察其
其形勢枝汗那者古烏孫也內附歲久吐蕃大食共
立阿了達為王發兵攻之枝汗那兵敗奔安西求救

孝嵩遂帥戎落兵萬餘人出龜茲西數千里下數百
城長驅而進十一月攻阿了達于連城屠其三城俘
斬千餘級阿了達逃入山谷孝嵩傳檄諸國威振西
域大食康居大宛罽賓等八國皆遣使請降勒石紀
功而還

唐益州大都督長史移雋州蠻

蘓頰傳開元八年按察節度劔南諸州雋州蠻苴院
與吐蕃連謀入寇獲謀者吏請討之頰不聽移書還
其謀苴院羞悔不敢侵邊

唐安西副都護兼北廷都護安西北廷節

度使諭葛邏祿

程千里 見獻功類

唐常山太守傳檄河北討安祿山

一本衛尉卿

兼御史中丞
今從通監

顏杲卿傳祿山表為營田判官假常山太守祿山反

與真定令賈深內丘令張通幽定謀圍賊使子泉明

計議陰結太原尹王承業為應使平盧節度副使賈

循取幽州謀泄祿山殺循時真卿在平原約起兵討

賊乃斬李欽湊械賊將高邈何千年送京師即傳檄

河北言王師二十萬入土門遣郭仲邕領百騎為光

鋒馳而南望者謂大軍至日中傳數百里賊張獻誠

方圍饒陽弃甲走於是趙鉅鹿廣平河間並斬偽刺

史傳首常山而樂安博陵上谷文安信都魏鄴諸郡

皆自固 **通監**天寶十四載十二月顏杲卿將起兵

馮虔賈深崔安石翟萬德張通幽皆預謀丙午斬李

欽湊又禽高邈何千年千年謂杲卿宜深溝高壘俟

朔方軍至并力齊進傳檄趙魏斷燕薊要膂彼則成

禽矣今宜聲云李光弼引步騎一萬出井陘因使人

說張獻誠必解圍遁此一奇也杲卿用其策獻誠果

遁其圍練兵皆潰杲卿乃使人入饒陽城勞將士命

萬曆十六年

監生王如垠

藁城尉崔安石等徇諸郡云大軍已下井陘朝夕當
至先平河北諸郡先下者賞後至者誅於是河北諸
郡響應凡十七郡皆歸朝廷兵合二十餘萬又使人
入漁陽招賈循

唐戶部侍郎平原太守河北招討採訪使
移清河等郡討安祿山檄

顏真卿傳為平原太守天寶十四載安祿山反河朔
盡陷獨平原城守具修使司兵參軍李平馳奏時平
原有靜塞兵三千益募兵得萬人大饗土城西門衆
感動時饒陽守盧全誠濟南守李隨清河王懷忠景

城司馬李暉鄴城守王燾各以衆歸有詔北海守賀
蘭進明為助從父兄杲卿為常山守斬賊將十七郡
同日自歸推真卿為盟主兵二十萬絕燕趙詔拜戶
部侍郎佐李光弼討賊十五載三月壬午加河北招
討採訪使清河太守使李萇乞師乃檄清河等郡遣
大將李擇交平原令范冬馥等與清河博平士五千
屯堂邑
穆寧傳調鹽山尉祿山反以劉道元為景
城守寧募兵斬之檄州縣并乃捍賊真卿以為採訪
支使

唐揚州大都督府長史淮南節度使移將

校檄

高適傳永王叛召計事蕭宗奇之除淮南節度詔與江東韋陟淮西來瑱率師會安陸方濟師而王敗未度淮移檄將校絕永王俾各自白君子以為義而知變通監至德元載永王璘領四道節度都使鎮江陵璘募勇士數萬人子襄城工瑒有勇好兵薛鏐等為之謀主以為宜據金陵保有江表如東晉故事十月友丹徒郡上召高適謀之適具言璘必敗之狀十二月置淮南節度使領廣陵等十二郡以適為之淮西領汝南等五郡以來瑒為之使與江東節度韋陟共圖璘

檄

甲辰璘擅引舟師東巡沿江而下軍容甚盛分兵襲李希言於吳郡襲李成式於廣陵進至當塗希言成式遣將元景曜李承慶拒之皆降於璘江淮大震適與瑒陟會於安陸結盟誓衆以討之二載二月戊戌璘伏誅

唐中書侍郎同中書門下平章事兼河南節度使都統淮南諸軍事告浙東浙西淮南青州濠州救睢陽檄

張鎬傳詔兼河南節度都統淮南賊圍宋州張巡告急鎬倍道進檄濠州刺史閻丘曉趣救張巡傳肅

宗詔張鎬伏賀蘭進明節度河南率浙東李希言浙西司空襲禮淮南高適青州鄧景山四節度犄角救睢陽通監至德二載八月甲申張鎬兼河南節度采訪等使睢陽士卒纔六百人巡遠分城而守時許叔冀在譙郡尚衡在彭城賀蘭進明在臨淮皆擁兵不救城中日蹙巡令南霽雲告急臨淮進明無出師意十月尹子奇久圍睢陽城中食盡巡遠以為睢陽江淮之保障弃之賊必長驅不如堅守鎬聞睢陽圍急倍道亟進檄浙東浙西淮南北海諸節度及譙郡太守閻丘曉使共救之比鎬至城已陷十月癸

唐御史大夫江東節度使招諭江淮詳見

韋陟傳永王兵起肅宗委陟招諭乃授云云與高適

淮南節度來瑱淮西節度會安州陟曰今中原未平江淮騷離

若不齊盟質信以示四方知吾等協心戮力則無以成功乃推瑱為地主為載書登壇曰糾合三垂翦除兇慝好惡同之母有異志永王敗初李廣琛從亂非本謀陟表為歷陽太守至是恐有後變乃馳往諭詔恩釋其疑

唐天下兵馬副元帥檄河南

李光弼傳乾元二年七月辛巳為天下兵馬副元帥

以河東騎五百馳東都夜入其軍會滑汴節度許叔
冀戰不利思明乘勝西嚮光弼趨東京謂留守韋陟
曰不如移軍河陽北阻澤潞勝則出敗則守遂檄河
南督軍取戰守備思明至偃師光弼悉軍趨河陽
通監乾元二年九月思明攻鄭州光弼整衆徐行至
洛陽移牒留守韋陟使帥東京官屬西入關牒河南
尹李若幽使帥吏民出城避賊光弼率軍士詣河陽
爲守備

唐都統河南節度行營諭回紇

詳見兵捷

郭子儀傳永泰元年懷恩誘回紇吐蕃入寇召子儀

屯涇陽子儀使諭虜曰昔回紇涉萬里助復二京今
弃舊好助叛臣一何愚彼背主弃舊於回紇何有

唐容管經略使移義藤二州刺史

王翊傳大曆中擢容管經略使初安祿山亂詔嶺南
兵隸魯景景敗衆潰夷獠相挺爲亂夷酋梁崇牽號
平南都統與別帥覃問合又與西原賊張戾夏永更
誘嘯遂據容州經略使僑治藤梧翊出私財募士不
數月斬賊帥歐陽珪因至廣州請節度使李勉出兵
併力勉不許翊曰願下書州縣陽言以兵爲助冀藉
此聲成萬一功勉許諾翊乃移書義藤二州刺史約

皆進討引兵三千與賊鏖戰卒破賊禽崇牽復容州捷書聞詔更置順州以定餘亂翅比百餘戰禽首領七十覃問遁去通監大曆六年二月王翊復容州

分命諸將襲西原蠻復鬱林等州三月五嶺皆平

元結傳授容管經略使身諭蠻豪綏定八州

唐太常少卿諭吐蕃

韋倫傳德宗嗣位克和吐蕃使諭天子威德贊普悅

乃入獻

唐安州刺史諭隋州

伊謹傳攻隋州戰厲鄉斬五千級喻降李惠登希烈使守

隋

唐神策兵馬使曲環檄李納

劉昌裔傳建中中曲環方攻濮州表昌裔為判官為

環檄李納剗曉大義環上其藁德宗異之通監建

中二年七月平盧節度李正已卒子納自領軍務與

李惟岳遣兵救田悅十月徐州刺史李洧以州降十

一月納遣將會魏博兵攻徐州洧告急詔朔方大將

唐朝臣將兵五千與宣武劉洽神策兵馬使曲環滑

州李澄救之青魏軍解圍走三年正月納軍于濮陽

為河南軍所逼奔還濮州復陷海密三月洽攻納于

濮州克其外城納求自新李勉又遣人說之遣判官房說入見上因說等納歸鄆復與田悅合

唐建州刺史發所部兵檄

崔造傳朱泚亂造馳檄北州發所部兵二千以待命德宗嘉之

錢徽傳辟宣歙崔衍府王師討蔡檄遣采石兵會戰

唐河東保寧奉誠軍行營副元帥移晉隰

慈州檄

馬燧傳帝還京興元元年七月壬午德宗至長安李懷光反河中詔

燧為行營副元帥與渾瑊駱元光合兵討之時賊黨

檄

要廷珍守晉毛朝敷守隰鄭抗守慈燧移檄鐫諭皆

以州降通監興元元年八月癸卯加渾瑊河中絳

州節度使充河中同華陝驍行營副元帥馬燧奉誠

軍晉慈隰節度使充行營副元帥與鎮國駱元光鄭

坊唐朝臣合兵討懷光先是燧說下三州故使兼領

唐西川節度使招諭雲南

通監正元二年吐蕃每入寇常以雲南為前鋒賦歛

重又奪其險要地立城堡雲南苦之西川節度使韋

臯至鎮招撫羣蠻雲南王異牟尋潛遣人求內附臯

奏吐蕃暴亂鹽夏且因雲南及八國生羌有歸化之

嘉靖丁巳年

心招納之以離吐蕃之黨上乃命臯先作邊將書諭之六月壬辰臯自以書招諭令趣遣使入見四年雲南與吐蕃猜阻歸唐之志益堅五年二月丁亥臯遺異牟尋書稱回鶻屢請佐天子共滅吐蕃王不早定計一旦為回鶻所先則王累代功名虛弃矣且雲南又為吐蕃屈辱今不乘時雪耻後悔無及十二月壬辰復以書招諭之八年十一月辛酉臯復遺雲南王書欲與共襲吐蕃驅之雲嶺之外悉平吐蕃城堡築大城於境上置戍相保永同一家九年上賜異牟尋詔書十月甲子臯遣節度巡官崔佐時齎詔詣雲南

并自為帛書谷之

臯傳云間使招徠之臯鑿青谿道以樹羣蠻

唐劔南西川節度使檄董嘉慶

南蠻傳雋州新安城傍有六姓蠻戎州管內有馴騁浪三州大鬼主董嘉慶累世內附封歸義郡王正元中狼蠻請內附補首領浪沙為刺史然卒不出韋臯檄嘉慶兼押狼蠻

唐吏部員外郎宣慰使喻徐州

李鄘傳張建封卒

正元十六年五月壬子

兵亂迫子愔主軍務

鄘持節直入其軍大會士喻以禍福

唐桂管觀察使御史中丞諭鄰管伐黃賊

柳文裴行立奉詔與諸管誅討邕管草賊黃少卿轉牒邕管孔大夫容府揚中丞安南李中丞曰徵側勇冠一方竟就伏波之戮呂嘉威行五嶺終摧下瀨之師敵國盡在於舟中還師已期於席上衆輕鬪蟻勇劣怒蛙恃狡兔之穴馮孽狐之丘賞垂香餌令布疾雷南州浮海濟師共集堂堂之陳東則橫江誓衆用成善善之功

唐邛州刺史諭劉闢

崔從傳闢反欲并東川從以書諭止

唐常州刺史傅檄四州討李錡

檄書

李錡傳憲宗卽位錡不自安請覲稱疾遷延殺留後

王澹築石頭城謀據江左

通監元和二年十一月

常州刺史顏防

用其客李雲謀矯詔稱招討副使殺鎮將李深傳檄

蘇杭湖睦四州同討錡湖州辛祕亦殺鎮將

紀元

和二年十月鎮海節度李錡反乙丑淮南節度使王鏐爲諸道行營兵馬招討使以討之癸酉鎮海軍兵馬使張子良執錡乙亥羣臣賀於紫宸殿十一月甲申朔錡至長安上御興安門面詰之

唐司封員外郎知制誥宣諭魏博

裴度傳

兼紀

元和七年十月乙未田興獻魏博六州于

萬曆丁亥年

卷之八

卷之八

朝十一月辛酉帝遣度宣諭徧至屬州布揚天子德澤

唐荆南節度使檄羣蠻

嚴綬傳為荆南節度。澠州蠻張伯靖殺吏據辰錦州。

連九洞自固。紀元和六年閏月辛卯寇費播詔綬進討。八年五月綬勒

兵出次遣將齎檄開曉羣蠻遂降。八月丁未降

唐虞部員外郎諭王承宗

殷侑傳承宗叛遣侑招諭承宗聽命。裴度傳蔡平

承宗懼遣栢耆以左拾遺往脅說乃獻德棣二州納

質子又諭滄景程權入覲。崔從傳遷尚書右丞往

檄書

使承宗集軍士宣詔陳逆順禍福之效承宗即上二

州符印。元和十二年四月甲寅獻德棣

唐起居舍人諭成德軍

穆宗紀兼栢耆傳元和十五年十月辛巳王承元以鎮趙

深冀四州歸有司十一月遣諫議大夫鄭覃往慰成

德軍賚緡錢百萬未至軍譁議穆宗遣起居舍人栢

耆諭意

唐劔南西川節度使諭雋州蠻檄

李夷簡傳徙帥劔南西川雋州刺史王顥積姦賊屬

蠻怒畔去夷簡逐顥占檄諭禍福蠻落復平。元和時

唐太原幽鎮宣慰使諭范陽

傳云宣諭使

溫造傳長慶初劉總上書請覲問行期乃不報造喻

意實錄元年正月已巳造為宣諭使

全范陽開示禍福總懼籍所部

九州入朝元年二月已卯也

唐鎮州西面行營都招討使諭盧龍檄

朱克融傳長慶元年議者請先誅趙赦燕拜克融幽

州盧龍節度使明年陷弓高攻下博與王廷湊共圍

深州裴度以檄譙諭克融乃還紀長慶元年八月

已丑度為幽鎮招撫使十月丙寅度為鎮州都招討

使通監長慶二年正月王庭湊圍牛元翼於深州

檄

二月丙戌遣中使入深州督牛元翼赴山南鎮裴度

亦與幽鎮書責以大義克融即解圍去裴度傳度

之行移克融廷奏書開說以大誼帝方憂深州圍欲

必出牛元翼使度騰書布旨

唐魏博橫海昭義河東義武等軍諭鎮州

檄

實錄長慶元年五月以鎮州殺節度使弘正下詔曰

景音未革狼顧猶存忍害忠良恣為殘賊毀冊楫於

鯨鯢啗股肱於蛇豕人神共憤卿士叶謀咸願誅夷

用申冤痛尚念一軍之中豈無我勇倉卒變動必非

如精丁巳年

三月十八日

七

諸病刊

衆謀苟得其魁餘復何罪且令魏博等軍各出全軍以臨界首仍各飛書檄其諭朝旨開迷復之門廣自新之路

唐諫議大夫德州行營諸軍討會使諭兩河諸鎮

栢耆傳太和初李同捷反詔兩河諸鎮出兵又無功耆與判官沈亞之諭旨二年十一月丁丑崔弘禮傳時徐泗節度使王智興檄兗海鄆曹淄青當徐道者出車五千乘轉粟饋軍

唐劔南東川節度使兼西川節度使議蠻檄

檄

郭釗傳大和三年十一月南蠻寇蜀取成都外郭杜元穎不能禦詔釗兼領西川未行蠻衆已略梓州州兵寡釗貽書譙蠻首箠巔以侵叛意曰元穎數侵吾罔我以是報乃脩好約無相犯元穎傳天子遣使臨撫南詔

唐左僕射荆南節度使檄南詔

段文昌傳大和四年檢校左僕射徙帥荆南南詔襲文昌先為西川節度嶲州帝以文昌得蠻夷心治寬靜羣蠻震服詔使

下檄諭責即日解而去復節度西川通監大和五

年十月南詔寇嶲州六年十一月乙卯文昌節度西

川

萬曆丁亥年

卷一百八十一

三

葉正昇

唐劔南東川節度使諭蓬瀘嘉榮諸州蠻
檄

盧弘宣傳拜東川節度時歲飢盜結酋豪自王聯蓬
瀘嘉榮諸州誅蠻落搖亂弘宣下檄脅諭賊黨稍降
開成中

唐刑部侍郎兼御史中丞諭河朔列鎮

李回傳會昌中伐劉稹武宗慮河朔列鎮陰相締以

撓兵事李德裕薦回三年七月持節往諭何弘敬魏博王元

逵德以澤潞邈京洛非若河北三鎮許世以壤地傳

子孫者且稹父子無功悖誼理上以邢洛磁三州與

檄

河北地境用軍莫復魏鎮且王師不欲輕出山東諸

公等取三州報天子二將聽命又張仲武疆以幽州

兵攻回鶻而與劉沔不協回至諭以大義仲武釋然

即合太原軍攻潞通監會昌二年昭義劉從諫藁

稹請為留後李德裕曰澤潞近處腹心一軍素稱忠

義嘗破朱滔禽從史李抱真成立此軍德宗猶不許

承襲頃時多用儒臣為帥劉悟死敬宗方怠於政遂

以符節付從諫稹恃河朔三鎮但鎮魏不與之同則

無能為也恐遣重臣諭元達弘敬以河朔傳襲已成

故事與澤潞不同三州隸昭義者委兩鎮攻之徧諭

將士以賊平厚賞則積必會矣上命德裕草詔賜元
遠弘敬曰勿為子孫之謀欲存輔車之勢但能顯立
功效自然福及後昆又賜張仲武詔以回鶻餘燼未
滅藉卿德侮七月遣李回宣慰三鎮令幽州乘秋早
平回鶻鎮魏早平澤潞三鎮無不奉詔

唐河陽三城節度王茂元傲劉稹

李商隱集微云不思先穀之忠將覆藥書之徒願思
苦口之言以定東身之計秘喪則於孝未聞拒詔則
於忠已失大未伴齊蔡父未及李吳將日其人動於
不義恐夙沙之國縛主之卒重生彭寵之家亦義之

侯更出抱真討逆則義著從史肆邪則眾離儻尚淹
歸款未整來轅戎臣鼓勇以爭先天子赫斯而降怒
金珠一受牙璋四馳魏衛壓其東南晉趙出其西北下
飛狐之口入天井之關巨浪難防長飈易扇驚地底
之鼓角駭樓上之梯撞喪貝躋陵飛走之期既絕投
戈散地灰釘之塗斯窮自然麾下平生盡忘舊愛帳
中親信即起他謀幸思反道敗德之難念順令畏威
之易冊府元龜云武宗遣諸鎮以書告喻

唐朔方節度使移党項完

史憲忠傳會昌中党項羌內寇徙朔方有詔

也。憲忠辭曰：「无不得其心，故不自安。今亟往，知吾為備，闔益健，請徐行。」許之。乃移書與羌人，示要約。羌人皆喜。

唐刑部侍郎、邠寧節度河西供軍安撫使
論党項

畢誠傳：入翰林為學士。党項擾河西，宣宗召訪邊事。誠摺質古今，條破羌狀甚悉。帝悅，曰：「頗牧在吾，奈廷卿為朕行乎？」六月，除。誠到軍，遣吏懷諭羌人，順向

十月，誠請

唐太原節度論回鶻諸部

韋宙傳：宣宗時，盧鈞節度太原，宙為副。時回鶻已破諸部，入塞下，剽殺吏民。宙往自定襄、鴈門、五原絕武州塞，略雲中。踰句注，徧見酋豪，鑄諭之。約吏不得擅以兵侵諸戎，犯者死。三部六蕃諸種皆信悅。

唐劔南西川節度使移南詔驃信檄

高駢傳：僖宗以駢節度西川。時南詔寇雋州，掠成都，攻雅州，壁廬山。聞駢至，悉解去。駢移檄驃信，勒兵從之。驃信懼，送質子入朝。乾符元年十二月。

唐鳳翔隴右節度使檢校尚書左僕射同中書門下平章事充京西諸道行營都統

傳天下藩鎮檄

鄭畋傳廣明元年鎮鳳翔黃巢陷東都僖宗出梁洋

遷檢校左僕射西面行營都統中和元年通監三月辛酉為京

城四面諸軍都統奏與程宗楚涇州秦李孝昌

以涇原程宗楚為副鄜拓拔思恭夏州約盟三月甲子畋傳檄天下藩鎮合

兵討賊具官移檄告諸藩鎮郡縣侯伯牧守將吏曰

夫屯亨有數否泰相沿如日月之蔽虧似陰陽之愆

伏是以漢朝方盛則莽卓肆其奸凶夏道未衰而羿

澆騁其殘酷不無僭越尋亦誅夷妖孽之生古今難

免代有忠正之士力為正復之謀我國家應五運以

乘乾躡三王之垂統緜區飲化西宇歸仁十八帝之

鴻猷銘於神鼎三百年之睿澤播在人謠加以政尚

寬弘刑無枉濫翼翼勤行於王道孜孜務卹於生靈

足可傳寶祚於無窮御璫圖於不朽近歲螟蝗作害

旱暵延災因令無賴之徒遽起亂常之暴雖加討逐

猶肆猖狂草賊黃巢奴僕下才豺狼醜類寒耕熱耨

不厲力於田疇媮食靡衣務偷生於剽奪結連凶黨

驅迫平人始擾害於里閭遂侵陵於郡邑屬以藩臣

不武戎士貪財徒加討逐之名竟作遷延之役致令

滋蔓累有邀求聖上愛育情深含弘道廣指萬方而

罪已用百姓以爲心假以節旄委之藩鎮冀其悛革
免困疲羸而殊無犬馬之誠但恣蟲蛇之毒虐劉我
征鎮覆沒我京都凌辱我衣冠屠殘我士庶視人命
有同於草芥謂大寶易取如奕棋而乃竊據宮闈僞
稱名號爛羊頭而拜爵續狗尾以命官燕巢幕以誇
安魚在鼎而猶戲殊不知五侯拗怒期分項羽之屍
四冢旣成待葬蚩尤之骨猶復廣侵田宅濫蓄貨財
比溪壑以難盈類烏鳶而縱攫茫茫赤縣僅同夷貉
之鄉惴惴黔黎若在狴牢之內人神共怒行路傷心
吹謬領藩垣榮兼將相每枕戈而待旦常泣血以忘

殮誓與義士忠臣共翦狐鳴狗盜近承詔命會合諸
軍皇帝親御六師即離三蜀霜戈萬隊鐵馬千群雕
虎嘯以風生應龍驤而雲起淮南高相公會關東諸
道百萬雄師計以夏初會於關內畋與涇原節度使
程宗楚秦州節度使仇公遇等已驅組練大集關畿
爭麾隴上之蛇矛待掃關中之蟻聚而吐蕃党項以
久濡皇化深憤國讐願以沙漠之軍共獻盪平之捷
此際華戎合勢藩鎮連衡旌旗煥爛於雲霞劔戟晶
熒於霜雪莫不持繩待試賈勇爭先思垂竹帛之功
誓雪朝廷之耻矧茲殘孽不足殄除况諸道世受國

恩身縻好爵，皆貯興邦之略。咸傾致主之誠，自函洛造氛，鑿輿避狄，莫不指銅駝而皆裂，望玉壘以竟消。聞此勤王，固宜投袂，更希憤激，速殄寇讐，永圖社稷之勲，以報君親之德。迎鑿反正，豈不休哉！時天子在蜀，詔令不通，檄至遠近，咸聳爭發兵應之。又見通監傳，鄭畋以宰相鎮鳳翔，移檄討賊。巢傳云：畋傳檄召天下兵。

唐東都留守移近鎮檄

劉元章傳為東都留守，黃巢至，寄治河清，受偽官，更悔愧，移檄近鎮起兵扞賊。

唐成德軍節度使同中書門下平章事檢

檄

校太尉兼中書令常山王馳檄諸道

王景崇傳黃巢反，帝西狩，偽使齊詔至，景崇斬以徇。因發兵馳檄諸道，合定州處存連師西入關，問行在，貢輸相踵。

唐門下侍郎同平章事兼中書令義成節度使諸道行營都統移檄天下

通監

又本傳

中和二年，守司徒兼門下侍郎同平章事

王鐸以高駢逗撓無心討賊，感慨請行。正月辛亥，為行營都統，表崔安潛自副，周岌、王重榮等六節度為將，佐率衛兵泊梁。蜀師二萬壁盩厔，移檄天下。四月

鐸將兩川興元軍屯靈感寺涇原屯京西易定河中屯渭北邠寧鳳翔屯興平保定難屯渭橋忠武屯武功官軍四集先是諸將雖環賊莫肯先及鐸檄至號令殷然士氣皆起黃巢戰數蹙後數月復京師策勲居關東諸鎮第一

唐諫議大夫諭河中

劉崇望傳僖宗幸山南光啓二年王重榮不率職選使者

即河中鑄諭使自新崇望以諫議大夫持節往陳君

臣大義六月重榮順服請誅朱玫自效 **通監**襄王煜

遣使至晉陽賜李克用詔克用燔詔囚使者遣使上

檄

表移檄進討表至上出示從官并諭山南諸鎮

唐河東節度使移檄二鎮

通監乾寧二年五月王行瑜李茂正韓建舉兵犯闕

六月李克用請討之移檄數其罪

唐中書侍郎同中書門下平章事移檄四

方

朱朴傳帝益治兵朴移檄四方令近者出甲士資饋

饟遠者以羨餘上

晉王諭邢洛魏博衛滑諸郡縣檄

五代史天祐八年正月周德威等破賊狗地邢洛先

馳檄諭邢名魏博衛滑諸郡縣曰王室遇屯七廟被
陵夷之酷昊天不弔萬民罹塗炭之災必有英主奮
庸忠臣仗順斬長鯨而清四海靖祆祲以奉三靈予
位忝維城任當分閫念茲顛覆詎可宴安故仗威文
輔合之規問昇浞兇狂之罪逆温碭山庸隸巢孽餘
兇當僖宗奔播之初我太祖掃平之際束身泥首請
命牙門苞藏姦詐之心惟示婦人之態我太祖俯憐
窮鳥曲爲開懷特發表章請帥梁汴纔出葦蒲之澤
便居茅社之尊殊不感恩遽行猜忍我國家祚隆周
漢迹盛伊唐二十聖之鑑基三百年之文物外則五

檄

疾九伯內則百辟千官或代虜簪纓或門傳忠孝皆
遭陷害水抱沉寃且鎮定兩藩國家巨鎮冀安民而
保族咸屈節以稱藩逆温唯仗陰謀專行不義欲全
吞噬先據屬州趙州特發使車來求援助予情惟盪
寇義切親仁躬率賦輿赴茲盟約賊將王景仁將兵
十萬屯據栢鄉遂驅三鎮之師授以七禽之略鸛鵝
纔列梟獍大奔易如走坂之丸勢若燎原之火僵尸
仆地流血成川組甲雕戈皆投草莽謀夫猛將盡作
俘囚羣兇旣快於天誅大憝須垂於鬼錄今則選蒐
兵甲簡練車徒乘勝長驅翦除元惡凡爾魏博邢洛

之衆感恩懷義之人乃祖乃孫爲聖唐赤子豈狗虎
狼之黨遂忘覆載之恩蓋以封豕長蛇憑陵荐食無
方逃難遂被脅從空嘗膽以銜冤竟無門而雪憤旣
聞告捷想所慰懷今義旅徂征止于招撫昔耿純焚
廬而向順蕭何舉族以從軍皆審料興亡能圖富貴
殊勲茂業翼子貽孫轉禍見機決在今日若能詣轅
門而效順開城堡以迎降長官則改補官資百姓則
優加賞賜所經註誤更不推窮三鎮諸軍已申嚴令
不得焚燒廬舍剽掠馬牛但仰所在生靈各安耕織
予恭行天伐罪止元兇已外歸明一切不問凡爾士

檄

衆咸諒予懷

廣南西路轉運使諭交州檄

興國五年丁璿幼大校黎亘專制七月俟仁寶討之
六年二月賊詐降仁寶爲所害轉運使許仲宣草檄
諭交州明國威信期必再舉亘懼遣使入貢

嶺南轉運使諭交州渠帥檄

實錄許仲宣爲轉運使會征交州師不習水土以便
宜罷其軍分屯諸郡太宗嘉之仲宣遂草檄以諭交
州渠帥即送欵內附遣使脩貢

知制誥撫諭西羌

萬曆十六年

所應由員

西羌地瘠以池鹽易穀於邊及李繼遷為寇陝西漕臣鄭文寶請禁青白鹽戎人乏食寇石昌鎮屠小康堡內屬萬餘帳亦叛淳化三年三月錢若水馳傳除其禁且撫諭諸族乃定

樞密直學士知益州諭益州民

淳化五年正月甲戌討李順又以張詠知成都府寇掠之際民多脅從詠移文諭以朝廷恩信使各歸田里詠曰順脅民為賊吾化賊為民

荆湖北路轉運使移檄屬郡

慶曆中歐希範誘溪洞環州蠻人叛上以田瑜言南

檄

方事除轉運許便宜行事瑜移檄屬郡募土人翹悍敢戰者甚眾又轉粟以守要害

湖北轉運使檄屬部擊區希範

慶曆四年正月南環州蠻區希範與其族為亂推蠻酋蒙趕為帝丙子陷本州殺官吏二月破鎮寧州癸卯詔發兵戊申上以廣西提刑田瑜習知南方事除湖北轉運使及瑜至檄屬部募民擊賊又督轉粟以守要害

天章閣待制環慶路經略安撫使知慶州

移夏人檄

慶曆七年夏命杜杞知慶州自元昊稱臣聽誓數犯約鈔邊邊吏避生事縱不敢爭杞始至其酋孟香率千餘人內附夏人以兵入界求香香走自匿夏兵驅殺邊戶掠奪羊馬朝議責杞亟索而還之杞言夏人違誓舉兵香不可與因移檄夏人不償所掠則孟香不可得

廣西體量安撫使移檄交趾

嘉祐五年六月交趾與申洞蠻寇邕州殺五巡檢戊寅詔發兵討之召吏部侍郎余靖安撫廣西悉發荆湖兵以從十二月靖至則移檄交趾召其臣費嘉祐

責之嘉祐皇恐對曰種落犯邊罪當死願留取首惡以獻即械五人送欽州斬于界上

祥符七年十二月廣西轉運使高惠連言交趾寇欽州詔移牒

荆湖南路察訪喻告梅山檄 客省使翟

守素平梅山蠻

熙寧五年七月遣章厚察訪湖南經制蠻事十月發梅喻告開梅山道 初太平興國二年梅山峒蠻苞漢陽寇暴不止遣客省使翟守素發潭州兵擊之捌月詔曰汝等保於溪洞守在封陞况霜露之所均固

聲明之攸暨遽忘覆育敢恣睢盱毒我齊民撓茲戎
索亦嘗誅誘尚或逗留既豺虎之難馴當鯨鯢之盡
戮更爾招攜庶幾悛改當諭好生之旨勉思轉禍之
言無蹈駭機自貽後悔漢陽猶保險拒命守素進兵
討平之

大原鈐轄蘇安靜檄夏國

自郭恩敗沒藏訛厓益肆經略使遣李思道等議疆
事訛厓不聽嘉祐六年六月安靜檄夏國得呂寧棧
浪掠黎來合議乃更築堠新邊禁邀以違約則罷和
市自此始定庚辰靜上屈野河界圖

檄

梓夔察訪使諭瀘夷檄

熙寧六年瀘州羅晏夷叛犯涪井監五月癸丑詔中
書檢正官熊本察訪以便宐從事七年本措置瀘夷
事誘十二村酋領誅之用黔南弩手及募土丁入夷
界一日屢捷諸夷皆望風而靡本以夷酋甫望箇怒
者桀黠乃遣人開諭許以爵賞遂納貢願世爲漢官
正月甲子瀘夷平上勞之曰檄奏詳明近世鮮有

熙河經略使諭邈川

元符二年二月邈川温党征密欲歸漢詔經略孫路
多方誘之

王漢卷百六十八
三十三
兵馬大元帥康王傳檄諸郡

靖康元年閏十一月己酉康王爲兵馬大元帥十二月壬戌朔王開大元帥府于相州乙丑大元帥府乃傳檄諸郡檄曰女真猖獗再犯京城臣子之心義當效死矧凡在職世受國恩當此艱危豈應坐視宐勉忠義戮力勤王二年四月二日辛酉大元帥府傳檄郡國下宣撫使范訥等亟會兵城下以候進發

陝西制置使檄鄜延討賊

陝西制置使錢蓋聞虜陷長安檄集英殿修撰鄜延經略使王庶兼節制環慶涇原兵討賊

檄

兵馬副元帥慰撫京城士庶檄

靖康二年四月壬午徽猷閣待制兵馬副元帥宗澤至大名府欲渡河迎取二聖而勤王之兵無一至者又聞張邦昌僭立欲先行誅討密遣健步間道持檄慰撫京城士庶

河北招撫司都統制王彥傳檄諸郡

建炎元年九月戊申彥率裨將張翼白安民岳飛等十一將以所部七千人渡河與金人戰破之遂復新鄉縣彥旣得新鄉傳檄諸郡

禮部侍郎御營參贊軍事召諸將檄

建炎三年春苗傅劉正彥擁眾殺樞臣張浚檄召諸將除君側之惡

同簽書樞密院事江淮兩浙制置使傅檄中外

建炎三年三月壬寅資政殿學士呂頤浩與張浚進兵誅二凶以勤王所為名傅檄中外曰苗傅躬犬豕不食之資取鯨鯢必戮之罪乃因艱難之際敢為廢立之謀劉正彥孺子狂生同惡相濟云云今呂頤浩因金陵之師劉光世引部曲之眾張浚治兵於平江韓世忠張俊馬彥溥各率精銳辛道宗永宗陳思恭

檄

總舟師湯東野周杞扼險要趙哲集民兵劉誨李迨魏芻糧楊可輔等參議軍事同時進兵以討元惡

知樞密院事御營副使宣撫處置使諭川陝移檄河東

建炎三年五月戊寅朔張浚為宣撫處置使以川陝京西湖南北路為所部七月庚子賜川陝官吏軍民詔曰今遣浚往諭密旨其念祖宗積累之勤勉人臣忠義之節以身殉國無貽名教之羞同德一心共建隆興之業當有茂賞以荅殊勲四年八月浚以虜眾猶在淮甸欲分撓其兵勢於是決策用兵移檄河東

問罪癸未復永興軍浚合五路兵四十萬約日會于耀州以與虜戰

鼎澧鎮撫使傳檄二州

建炎四年六月庚辰直龍圖閣程昌寓會要作昌禹為鼎

澧鎮撫使兼知鼎州時羣盜方盛楊華楊太等出沒

未已孔彥舟在鼎州八月昌寓傳檄二州

京西招撫使傳檄諸軍收復東京

紹興三年李橫三月甲子以其文來上略曰偽齊

替號自速翦夷國運中興王師已進西壓淮泗東接

海沂駟騎交馳羽書疊至我則兼收南陽智謀之士

檄

提大河忠孝之人仗義以行乘時而動又曰金商之兵出其先荆湖之師繼其後若能納款則悉仍舊貫執迷不悟則後悔難追

少保奉國軍節度使四川宣撫使檄告契

丹西夏高麗渤海遼鞞諸國及我河北河

東陝西京東河南等路官吏軍民等

紹興三十一年冬十月庚子朔吳璘檄樞密院所降

本也

淮南浙西江東西制置使告契丹諸國及

中原檄

紹興三十一年十一月一日劉錡檄告契丹西夏高麗渤海遼諸國及河北河東陝西京東河南等道
 兵義者王逆者亡要當觀理師直為壯曲為老烏可恃疆制軍詰禁王者所以甲九瀟之嚴取亂侮亡聖人所以馭萬邦之衆聖主應天而順人必盡撫邇遐之衆智士轉禍而為福當深明去就之幾惟夫無親作不善者神弗赦得道多助仗大義者衆必歸王者以無外為仁常篤近而舉遠聖人以不怨為武能保大而定功天運福善禍淫信渠凶之必

檄

殄君子赦過宥罪宜萑染之性新天無二日土無二王田有一成衆有一旅退而增修於是有舞干之義諭以遷善於是有文告之辭若猶未悛乃用致討皇天既付中國民撫千齡之興運庶邦迪知上帝命合衆志以歸仁因變制宜大夫出疆之義伐叛討貳諸侯敵愾之功風俗浸移已作李陵之胡服謳謠未改豈忘莊鳥之越吟賊齒益寒虜臂皆斷鼠牙敢意於崇墉螳臂何知於隆隧靡懷掎鹿之謀夙聽牽羊之計亦惟恃我朝廷爵秩之隆用能保爾子孫黎民之衆率酋豪而捍疆場乃爾

世功叛君父而從仇讎豈其本意庶能改過未忍加
兵期寵祿於有終知大恩之難再奉我王明以
其寶摯聞中國有至仁歸時事於宰旅開封賞
之科著歸忠之傳大舜脩德有苗歸心周穆徂征
荒服不至困獸雖思於猶鬪涸魚寧父於偷生
因爾倒戈之心乘我破竹之執兵利卒頑因撫而
有右翦左屠聿禽其良待以赤心靡之好爵言
念脅從之衆豈皆好亂之氓弄潢池之兵諒非爾志
烈崑岡之火亦豈予心與其假息以偷生孰若轉禍
而爲福雖暫結於蜂虫卒莫逃於鯨戮自有宇宙

至于今日未聞盜賊得以全軀推不殺之仁昇更
生之路儻復舊業即爲良民棄兵弩持鉤鉏苟知舍
逆而效順問田疇卜居宅當俾去危而即安祖宗
之盛德在天下莫大於好生南北之赤子皆吾民何
心於從亂蚊雷聚響螿斧稱威言念蒼生無非
赤子鋒蝟斧螿帶牛佩犢一夫作孽百姓何辜
春秋大一統夫孰非邦域之中帝王自有真蓋早
定君臣之分蜀郡附於公孫幾闔城之屠戮河西
歸於光武致列郡以安榮明效在前於今可覩王
者有征而無戰孰禦其鋒天下後服者先亡終定于

一 儻昧先知之智難逃後至之誅 昔吳芮效忠
世列長沙之壤田橫亡命身貽海島之羞顧逆順之
灼分惟智愚之審擇 設爵以延田橫指河而誓朱
鮪 中原鹿走沸鼎魚游 樂盈千紀寧忘武子之
勲蕭延紹封無廢鄼侯之嗣 識暗挈餅智慙衛足
涇渭合流蘭鮑同肆 瞻烏未定附鳳何從 九
黎亂德黃帝加誅項羽罪十漢祖不捨 積甲與山
齊永息煙塵之警取印如斗大益肩帶礪之盟 秦
人之鹿倚角相資常山之蛇首尾俱應 未展鷹揚
已皆魚爛 斧鉞既下必嬰喪元之悲玉石一焚徒

傲

軫噬齊之歎 驚颺更迅於雷霆烈焰寧分於玉石
請分金而間楚願奉璧以伐虞 弱卒瑣甲欲抗
堂堂之師縈帶汙城冀保區區之命 鳳鳴高岡以
遠尉羅賢聖之德也鶴鳩巢於葦苕苕折子破下愚
之惑也 竇融以河西歸漢榮被於後裔彭寵盜逆
漁陽身死於奴僕 虢滅虞亡韓弁魏徙 廉公思
趙將吳子泣西河 夙沙主雖愚蔽民盡知歸有苗
始為跋扈終而大敗漢南見一面以從殷河西率五
郡而歸漢 舞階以服有苗因壘而降崇國 伏波
游說永作漢藩延壽脫歸終為魏守器改秦虞才通

晉楚行藏用捨亦豈有常。微子去殷而入周。項伯
叛楚而歸漢。朝陽委照燭火收光。春雷發音。蟄戶
知今。舞干之義。載於虞書。前禽之訓。昭乎義易。
封豕荐食。困獸猶鬪。燕巢幕以誇安。魚在鼎而猶
戲。唐虞之世。蠻夷猶夏。周宣之盛。亦讎大邦。為
劉氏左袒。飽聞思漢之忠。後湯后東。征必尉戴商之
望。我軍過之。若駭鯨之決。細網奔兕之觸。魯縞未
足以喻其易。秦人之鹿。犄角以攻。常山之蛇。首尾
相應。士百其勇。人一其心。虎牙鷹揚之臣。蛇牙
犀渠之羣。橫行而東。我伐用張。月羽雲旗。以先啓行。

激

將斲梟獍。以釁鼓封。鱷鯢于京觀。變伊川之髮。削
呼韓之衽。九夷百越。雷隨風渙。恬波沸海之中。
靜侵稽天之際。四七並列。百萬為羣。以轉石之形。
為破竹之執。為風為火。殪彼蒙衝。如霆如雷。擊其
舟艦。掎拔而傾。山嶽騰嘯。而御風雲。臣有召公。
日惟百里之關。將皆南仲。月無三捷之虛。鋒鏑一
交。玉石同碎。舉烈火以燎毛。飛嚴霜而脫葉。無
禮於君。奮鷹鷂而擊鳥雀。有功必賞。誓帶礪而保山
河。冀馬追風。吳戈照月。審配死於袁氏。不如張
郃歸曹。范增困於項王。未若陳平從漢。燕巢衛幕。

魚游宋池。脣既亡而齒必寒。皮不存而毛安傳。
 積德者天之所啓。反道者鬼得而誅。潞子離狄而
 春秋書。徐夷朝周而大雅詠。寬其萬死之誅。弘以
 再生之路。招攜以禮而懷之。以德撫我則后而虐
 之則讎。不爭而勝者天之道。不戰可屈者人之兵。
 雖以至仁伐不仁。贊弔民之盛舉。然殺無道就有
 道。豈爲政之本心。殷微去商。侯服周代。項伯背楚。
 賜姓漢朝。蟻猶有君。鳥則擇木。遠者來。近者悅。
 同我太平。撫則后虐。則讎惟爾。審擇。

王海卷第一百八十八

